



ZIMBABWE SCHOOL EXAMINATIONS COUNCIL
GRADE SEVEN EXAMINATION, SPECIMEN PAPER.

XHOSA
PAPER 1

7140/1
Time: 1 hour 30 minutes

SPECIMEN PAPER

IMIYALELO YABABHALI BOVIWO

Oluviwo kufanele lubhalwe phakathi kweyure nemizuzu engamashumi amathathu (**1 hour 30 minutes**).

1. Funda **ngononophelo** ungekaqali uviwo.
2. Ungayivuli lencwadi ungekaxelelwa.
3. Sebenzisa ipenseli yohlobo lwe-**HB** ephepheni leempendulo.
4. Chonga impendulo echanekileyo **ibenye** qha kumbuzo ngamnye.
5. Xa uthe wenza impazamo, **cima kakuhle** impendulo yakho, uchonge echanekileyo.
6. Zoba ibhokisi **ibenye** qha enempendulo oyichongileyo kumbuzo ngamunye
7. Ungazoba iibhokisi **ezegqitha enye** kumbuzo ngamnye impendulo yakho iyawube **ingasachanekanga**.
8. Xa ungavisisi imiyalelo, buza kobhalisa uviwo **ungekaqali**.
9. **Phendula imibuzo yonke** ephepheni leempendulo oliphiweyo.

Olu viwo lubhalwe emaphepheni alishumi nanye, elinye alibhalwanga nto.

Copyright: Zimbabwe School Examinations Council, Specimen Paper.

ISINCOKO

FUNDA INTSOMI ENGEZANTSI UPHENDULE IMIBUZO ELANDELAYO.

Kwathi kwathi ngantsomi! Kwathi ngonyaka indlala ihlasele, uHobe engenaqhinga lokuba uzakuthatha ntoni adibanise nantoni. Wazulazula wabheka entla, wayezantsi wajika nganeno. Esalibele kwathi gqi! Umhlobo wakhe uDyakalashe eziculela exelisa ukuhlutha.

Wabuza uDyakalashe wathi, “Kutheni mhlobo, wakhedama nje ingabe yintoni?” UHobe waphendula ngeliphantsi esehlisa iinyembezi. Umhlobo wakhe wahle wayifunda ivaliwe ukuba ikati ilala eziko kwaHobe.

Wakhawuleza uDyaki wathi, “Mna ndihlangulwe nguMvubu nommelwane wakhe uNgwenya, amadoda anobubele nenimba, endlaleni. Nawe ungayozama khona.” Uthe uHobe esiva elo wasingisa khona. UDyaki uthe ebona ukuba umhlobo wakhe sebuqelele waya kwaHobe. Uthe efika wakhwaza njengoHobe, zaphuma iintsana zikaHobe zivuya zisithi ngunina. Wabuza uDyakalashe.

Ningabantwana bakabani na? Baphendula bathi,
“Singabantwana bakaHobe esakhela endleleni sithembe ubuqhetseba nobuqhophololo.”

Wachola oluncinci usane uDyaki wathi usayokulipha ukutya kanti uyokulutya.

UHobe yena wawufumana umsebenzi wentsukwana kwaMvubu. Wayefika ngorhatya kwakhe afune ukubona abantwana bakhe.

Ngalo lonke ixesha umhlobo wakhe wayesala ezinika ukutya iintsana. Ngosuku lokuqala wacela ukubona iintsana zakhe, wakhawuleza uDyaki wazisondeza, olunye usana waluphinda kabini. UHobe akazange ayiqaphele lonto. UDyaki waqhubeka ke! ngenkohlakalo yakhe, wabuye wachola elesibini. Wafika uHobe njengesiqhelo wafuna ukubona abantwana. Ngokukhawuleza, engabonisi ububi asala ebona kwintsana, wabuyisa umntana omnye emphinda kathathu. Waqhubeka ngemikhwa yakhe uDyaki waze wabaqongqotha abantwana bomhlobo wakhe.

Wajija eqhingeni uDyaki waphuma wayokufuna ibubu leenyosi walifaka endlini kaHobe. Ngosuku elalandelayo uthe efika uHobe, uDyaki wammemela ukuba azobabonela endlini abantwana. Bathe bawufika emnyango uDyaki wakhawuleza watyhiliza icango watyhilizela uHobe phakathi wavala icango. Zamluma iinyosi uHobe wade wafa. UDyaki yena wabaleka wawela umlambo wangena etyolweni.

Phela, phela ngantsomi.

IMIBUZO

1. Intsomi ithetha ngabantwana bakabani?
 - A. bakaHobe
 - B. bakaDyakalashe
 - C. bakaMvubu
 - D. bakaNgwenya

2. Ngokwasentsomini yintoni eyayikhalisa uHobe?
 - A. liqhinga
 - B. yindlala
 - C. ngumsebenzi
 - D. zinyosi

3. Babebangaphi abantwana bakaHobe?
 - A. babebahlanu
 - B. babebathathu
 - C. babebabini
 - D. babebane

4. Wawufumana phi umsebenzi uHobe?
 - A. kwaDyakalashe
 - B. etyolweni
 - C. emlanjeni
 - D. kwaMvubu

5. Ngubani owatya iintsane?
 - A. nguMvubu
 - B. nguHobe
 - C. nguDyakalashe
 - D. nguNgwenya

6. UDyakalashe wayengumhlobo onjani?
 - A. okhohlakeleyo
 - B. onenimba
 - C. onobubelo
 - D. onobuqhophololo

7. Sifundo bani esifumaneka entsomini?
 - A. ungabothemba inoba ngubani
 - B. ungaboba nobubele kakhulu
 - C. ungabojija eqhingeni
 - D. ungabodinga umsebenzi

[Turn over

8. Kwenzakala ntoni kuHobe ekugqibeleni?
- A. watyiwa nguDyakalashe
 - B. wawela emlanjeni
 - C. watyiwa ziinyosi
 - D. wangena etyolweni
9. Igama elisentsomini elintethonye nelithi “ wabagqiba” ngelithi
- A. wakhawuleza.
 - B. wabaqhaphela.
 - C. waluphinda.
 - D. wabaqongqotha.

ULWIMI

GCWALISA ISIVAKALISI NGE GAMA ELICHANEKILEYO

10. Abantwana bakaHobe bathula _____ bebona uDyaka.
- A. cwaka
 - B. krwe
 - C. dyumpu
 - D. cwe

GQIBEZELA

11. UHobe waxelela abantwana bakhe ukuthi kaloku esintwini, “ _____ ibuzwa kwabaphambili. ”
- A. Inyani
 - B. Inyosi
 - C. Ingwenya
 - D. Inyathi
12. UDyakalashe umke _____ Mvubu.
- A. nge
 - B. ne
 - C. no
 - D. ngo

CHONGA IGAMA ELIPELWE NGOKUCHANEKILEYO

13. A. umgquba
- B. ugquba
 - C. umnquba
 - D. umqgubu

NIKA IGAMA ELIHLONIPHAYO KWELI ELIKWRELWE UMGCA NGAPHATSI

14. Inkosi yamaHlubi ifile.

- A. itshabalele
- B. ibhubhile
- C. iswelekile
- D. ikhotheme

ISINCOKO SOKUQONDA

FUNDA UMBONGO OLANDELAYO UPHENDULE IMIBUZO.

IMBALELA

Latshisa ilanga, lagqatsha kwavakala.
Zaqhuma izaqhwithi kwabomvu.
Saluhlaza isibhakabhaka akwaba nalinye ilifu.
Nditsho neqabaza lemvula,
Kodwa phofu kusentwasahlobo.

Zaqalwa iinkabi, zabazwa izikeyi needyokhwe.
Lisekhona phofu ithemba, inakho ukucutha imvula.
Zaqengqana iintsuku kwasoloko kome okwasebusika.
Lavel'ixhala, kaloku ziyaphunguka iziphala.

Babulisana ngemozulu ootata.
Bazisana ngokutsha kweziziba oomama.
Amaxhego namaxhegwazana abetha isijwili.
Kwamuncu ebantwaneni kaloku akusatyiswa qho.
Kwacaca gca! Ukuba ngunyaka wendlala.

Tyhini! Yini na? Zavuthuluka iinkomo neebhokhwe.
Aphela tu amanzi emadamu nasemifuleni.
Zabhity' iigusha, zaphel' iinkukhu, yaphel' ingca
Zatya le ifulel' izindlu.
Zange yakhona enje imbalela, angqina amaxhego.

Sixingile engxakini yembalela, sithini na?
Amagqobhoka acenga uThixo.
Inkosi zabizela iingwevu eembizweni
Sayonqula kwizinyanya kuba kubi phandle.

Abafundileyo bathi masilime ngeendlela ezintsha.
Ingca, amadiza, izanqawe mazixutywe netyiwa kusinde imfuyo.
Makubuyelw' emva kulinywe amazimba, inyawuti nophoko.
Singachasi imozulu, sivumelane nayo.
Yenjiwe imithombo yamanzi.
Kulinywe kunkcenkceshelwe.

[Turn over

IMIBUZO

15. Zintoni ezaziqhuma?
- A. zizaqhwithi
 - B. ziinkabi
 - C. ziimvula
 - D. ziigusha
16. Ngobani ababebulisana ngemozulu?
- A. ngoomama
 - B. ngootata
 - C. ngabantwana
 - D. Ngamaxhegwazana
17. Yintoni eyayikhalisa amaxhego namaxhegwazana?
- A. yimvula eninzi
 - B. kukutshisa kwelanga
 - C. ngamafu emvula
 - D. kunqulwa kwizinyanya
18. Kwenziwa nzame bani ukusombulula iingxaki ezeza nembalela?
- A. kwaqalwa iinkabi
 - B. kwabazwa izikeyi
 - C. kwanqulwa izinyanya
 - D. kwaphunguka iziphala
19. Ngobani ababizwa eembizweni?
- A. ngootata
 - B. ngoomama
 - C. ngabantwana
 - D. ngamaxhego
20. Amanzi okunkcenkceshela ayezakuvelaphi?
- A. emifuleni
 - B. emithonjeni
 - C. ezizibeni.
 - D. emadamu
21. Esincokweni kuthiwa mayiphiweni imfuyo?
- A. amadiza, ingca, izanqawe
 - B. amazimba, inyawuti, izanqawe
 - C. amanzi, uphoko, izanqawe
 - D. izanqawe, amazimba, uphoko

22. Nika intsingiselo yebinzana elithi 'sixingile engxakini'.

- A. Kuyatyiwa naxa kuyimbalela.
- B. Sivumelane singachasi imozulu.
- C. Kulinywa izilimo zakudala.
- D. Siphakathi kwemeko enzima.

ULWIMI

GCWALISA ISIVAKALISI NGEGAMA ELICHANEKILEYO

23. Imvula _____ izolo.

- A. inetha
- B. yanetha
- C. izawunetha
- D. inethe

NIKA UBUNINZI BEGAMA ELIKRWELWE UMGCA NGAPHANTSI

24. Ixhego lixhele ibhokhwe.

- A. amabhokwe
- B. izibhokhwe
- C. iibhokhwe
- D. oobhokhwe

GCWALISA ISIVAKALISI NGEGAMA ELICHANEKILEYO

25. Inkomo _____ zixingile odakeni.

- A. bona
- B. yona
- C. lona
- D. zona

26. Ingwevu bezihleli _____ komthi.

- A. phezu
- B. ngaphantsi
- C. kufuphi
- D. phakathi

[Turn over

27. Ilanga eligqatsayo ngeli

- A. tshisa kakhulu.
- B. tshisa kancinci.
- C. tshisa ebusuku.
- D. tshisa emini.

FUNDA INGXOXO ESEZANTSI UPHENDULE IMIBUZO ELANDELAYO

Bayancokola abafundi baseNkqayi Primary School ngezemiwa ezifumaneka kwihlabathi laseZimbabwe.

Mthuli : Molo Busi. Senifunde nafika aphi kwizifundo zemveli?

Busi : Asikafiki ndawo wethu, sisekwisihloko sokuqala.

Mthuli : Anikafundi ngezambiwa ezifumaneka kwelaseZimbabwe? Iyandivuyisa ngokwenene indlela izemiwa eziphucula ngayo ilizwe lethu.

Busi : Ndiyayiva Mthuli eyokuba iZimbabwe ineentlobo zezemiwa ezahlukileyo ezifana negolide, idayimani kunye ne-lithiyamu. Ubusazi ukuba sihamba phambili ngokwemba i-lithiyamu? Yona isemiwa eBikita.

Mthuli : Hayi! Benelingayazi mhlobo wam, mna ndafunda nge Platinum kwakhona eyona ithengwa ngamanye amazwe. Kucaca ukuba zinintsi izemiwa kwelilizwe.

Busi : Amaphephandaba athi wona i-lithiyam isebenza ukwenza ibetri neemoto ezihamba ngombane. Ndiyaqonda lento ibalulekile kwikamva leZimbabwe.

Mthuli : Injalo wethu, sinawo namalahle okungawo avelisa umbane nezinye izinto. Wona enjiwa eHwange. Uyabona kuyacaca ukubaluleka kwezemiwa ekuphuculeni ilizwe leZimbabwe kuba zisinika imali yamanye amazwe.

Busi : Singalibali ukuba naseMatabeleland, eKamativi kwenjiwa ithina.

Mthuli : Lento iyakusifaka kwinqanaba eliphezulu. Kufanelekile uRhulumente azikhusele izemiwa ngomthetho wokuba kungembi nabani na ongenazo incwadi ezimvumela ukwemba.

Busi : Ndiyangqinelana nawe wethu, ndibonge nangalencoko, ndivulekile nalapho bendimfameke khona. Inene bendingayazi ukuba nathi siyahlomla kwizemiwa. Segqitha neBotswana wethu eyemba idayimani lodwa.

Mthuli : Kumele senze uphando sijonge nabamelwane bethu abafana neZambia kunye neMzantsi Africa.

Busi : Kulungile, singalibali nempembelelo embi yokwemiwa kwezemiwa kwelaseZimbabwe, siqwalasele ukhuselo lwemveli nentlalontle yabahlali bakufutshane.

IMIBUZO

28. Kulengxoxo uMthuli noBusi bayini?

- A. Ngabembi begolide.
- B. Ngabasebenzi bemveli.
- C. Ngabembi bamalahle.
- D. Ngabafundi bemveli.

29. Ingxoxo ithi ilizwe laseBotswana linasiphi isembiwa?
- A. idayimani
 - B. igolide
 - C. i-lithiyam
 - D. i-platinum
30. Abaxoxayo bathi amalahle embiwaphi?
- A. eHwange
 - B. eNkqayi
 - C. eKamativi
 - D. eBikita
31. Ngokwengxoxo, ngubani okufanele akhusele izembiwa?
- A. ngabafundi bemveli
 - B. ngabembi begolide
 - C. ngurhulumente welizwe
 - D. ngaabantu abakufutshane
32. Sesiphi isembiwa esisetyenziswa ukwenza ibhetri?
- A. ngamalahle
 - B. yiplathinamu
 - C. lithina
 - D. yilithiyamu
33. Ngokwengxoxo sesiphi isivakalisi esiyinyani ngezambiwa?
- A. Izambiwa zisinika imali yamanye amazwe.
 - B. Izambiwa zonke zenza ibhetri.
 - C. Igolide lenza kubekho umbane elizweni.
 - D. Izembiwa zinceda ekwakheni imithetho karhulumente.
34. Ingxoxo kaBusi noMthuli ithetha
- A. ngamaphephandaba
 - B. ngorhulumente
 - C. ngezembiwa
 - D. ngabafundi
35. Aba bahlobo bazakuphanda ngani malunga nezambiwa?
- A. ngobubi bokwemba
 - B. ngobuhle bokwemba
 - C. ngemali yamanye amazwe
 - D. ngamaphephandaba akweli

ULWIMI**CHONGA INTSINGISELO YEGAMA ELIKRWELWE NGAPHANTSI**

36. UMthuli ubulele uBusi

- A. Lichaza ukuba uMthuli akasekho emhlabeni.
- B. Lichaza ukuba uMthuli ubongiwe.
- C. Lichaza ukuba uMthuli ubonge uBusi.
- D. Lichaza ukungeneliseki kwabantu yimisebenzi yakhe.

GCWALISA ISACI NGEGAMA ELICHANEKILEYO

37. UMthuli noBusi ababonani, yinyoka

- A. nenkukhu.
- B. nenja.
- C. nesele.
- D. nentlanzi.

GCWALISA ISIVAKALISI USEBENZISA IGAMA ELICHANEKILEYO

38. UBusi uthi angakhula uzakusebenzela esibhedlele, ufuna ukuba

- A. yititshala
- B. ngumqhubi
- C. ngumongikazi
- D. ngumanjinela

39. Chonga isivakalisi esichanekileyo

- A. UBusi uvulekile ngolwazi lwezembiwa.
- B. UBusi lwezembiwa uvulekile ngolwazi.
- C. UBusi ngolwazi uvulekile lwezembiwa.
- D. Ngolwazi uBusi lwezembiwa uvulekile.

40. Sesiphi isivakalisi esiphawulwe ngendlela echanekileyo?

- A. UBusi wathi, “izembiwa zisinika imali yamanye amazwe.”
- B. “UBusi wathi”, izembiwa zisinika imali yamanye amazwe.
- C. UBusi “wathi” izembiwa zisinika imali yamanye amazwe.
- D. UBusi wathi, “izembiwa zisinika imali” yamanye amazwe.